



CANTON SARAJEVO
**Ministry of Labour, Social Policy, Displaced
Persons and Refugees**

Na osnovu člana 94. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije Bosne i Hercegovine", br. 36/99, 54/04, 39/06, 14/09, 45/16 i 40/18), člana 168. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17 i 28/18), člana 3a. Pravilnika o obilježavanju "Dječije nedjelje" u Kantonu Sarajevo ("Službene novine Kantona Sarajevo", broj 1/19 i broj 13-04/2-02-33888/20 od 09.09.2020.godine), a u vezi sa poglavljem II. tačka 3. Programa obilježavanja "Dječije nedjelje" u Federaciji Bosne i Hercegovine za 2020.godinu ("Službene novine Federacije Bosne i Hercegovine", broj 57/20), ministrica za rad, socijalnu politiku, raseljena lica i izbjeglice Kantona Sarajevo, donosi

PROGRAM
OBILJEŽAVANJA "DJEČIJE NEDJELJE"
U KANTONU SARAJEVO ZA 2020. GODINU

I - PREDMET I SVRHA PROGRAMA

"Dječija nedjelja" u Kantonu Sarajevo za 2020. godinu (u daljem tekstu: "Dječija nedjelja") se realizuje u cilju realizacije podrške djeci na području Kantona Sarajevo, bez održavanja javnih manifestacija.

U okviru obilježavanja "Dječije nedjelje" imajući u vidu nepovoljnu epidemiološku situaciju uzrokovanu Corona virusom - Covid 19, učesnici obilježavanja "Dječije nedjelje" su dužni pridržavati se zdravstveno, epidemioloških preporuka i naredbi nadležnih institucija.

II. - PERIOD OBILJEŽAVANJA

U 2020. godinu "Dječija nedjelja" će se obilježiti u periodu od 05. do 11.10.2020. godine.



III. - PROGRAMSKE AKTIVNOSTI

1. Press konferencija - prezentacija Programa obilježavanja "Dječije nedelje"

Otvaranje "Dječije nedelje" će početi svečanim obraćanjem ministrice za rad, socijalnu politiku, raseljena lica i izbjeglica Kantona Sarajevo putem nadležne Press službe u Kantonu Sarajevo.

Datum održavanja: 05.10.2020. godine sa početkom u 10,00 sati

Mjesto održavanja: Multimedijalna sala Kantona Sarajevo, ulica Reisa Džemaludina Čauševića broj 1.

Nosilac aktivnosti: Ministarstvo za rad, socijalnu politiku, raseljena lica i izbjeglice Kantona Sarajevo

2. Dodjela novčane podrške djeci na smještaju u hraniteljskim porodicama i djeci sa invaliditetom iz porodica u stanju socijalne potrebe

Djeci koja su ostvarila smještaj u hraniteljske porodice, te djeci sa invaliditetom iz porodica, koje se nalaze u stanju socijalne potrebe, dodijelit će se novčana podrška putem Javne ustanove "Kantonalni centar za socijalni rad" i Koordinacionog odbora Udruženja osoba sa invaliditetom u Kantonu Sarajevo.

IV. - ZAVRŠNA ODREDBA

Ovaj program će se objaviti u "Službenim novinama Kantona Sarajevo" i na WEB stranici Kantona Sarajevo.



Broj: 13-04/2-04-34448-2/20
Sarajevo, 10.09.2020.godine



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



Quality management system
ISO 9001
• Customer focus
• Customer satisfaction
• Continuous improvement
• System/process effectiveness
ID 15 100 63666
www.tuv.com